

„ Corona-Härtefond“

Radnička komora i pokrajina Gornja Austrija osnivaju fond za financijsku pomoć zaposlenicima i njihovim porodicama, ugroženim krizom pandemije

Ko ima uslove za dobijanje pomoći?

Pomoć mogu dobiti osobe koje su prije nastupanja nezaposlenosti ili skraćivanja radnog vremena (Kurzarbeit), uslovljenim pandemijom korone, imale primanja isključivo iz nesamostalnog rada, te u mjesecima decembru 2020 i januaru 2021 godine, zbog pandemije korone ostale bez posla ili su im kroz skraćeno radno vrijeme (Kurzarbeit) smanjena primanja i koji se nalaze u teškoj financijskoj situaciji.

Za utvrđivanje smanjenja prihoda, potrebno je dostaviti platnu listu za posljednji mjesec u kojem je primljena puna mjesečna plata, prije nastupanja nezaposlenosti ili skraćivanja radnog vremena (Kurzarbeit). Ukoliko je nezaposlenost nastupila ranije, sa nastupanjem pandemije u martu 2020, potrebno je dostaviti platnu listu za februar 2020 godine.

Koliko iznosi pomoć?

Pomoć je jednokratno, bespovratno, pausalno davanje koje se dodjeljuje po domaćinstvu. Mjesečni neto prihod domaćinstva u periodu decembar 2020. i januar 2021 godine ne smije prelaziti dole navedene iznose. Procentualno smanjenje prihoda mora iznositi najmanje dole navedeni iznos.

Ukoliko je smanjenje prihoda najmanje 20 % i mjesečni prihod domaćinstva iznosi:

do € 1.300 u samačkom domaćinstvu

do € 2.000 u domaćinstvu sa dvije osobe

dodatno € 1.000 za svaku punoljetnu zaposlenu osobu u domaćinstvu

dodatno € 250 za svakog maloljetnog člana domaćinstva

Visina pomoći kod redukcije prihoda od najmanje 20 % je jednokratni paušalni iznos u visini od:

€ 300 za samačka domaćinstva

€ 400 za domaćinstva sa dvije osobe

€ 500 za domaćinstva sa tri ili više osoba

Ukoliko je smanjenje prihoda najmanje 30 % i mjesečni prihod domaćinstva iznosi:

do € 1.500 u samačkom domaćinstvu

do € 2.400 u domaćinstvu sa dvije osobe

dodatno € 1.000 za svaku punoljetnu zaposlenu osobu u domaćinstvu

dodatno € 250 za svakog maloljetnog člana porodice

Visina pomoći kod redukcije prihoda od najmanje 30 % je jednokratni paušalni iznos u visini od:

€ 500 za samačka domaćinstva

€ 600 za domaćinstva sa dvije osobe

€ 700 za domaćinstva sa tri ili više osoba

Dalji uslovi za dobijanje pomoći

Svi članovi porodice za koje se pomoć traži, moraju imati stalno mjesto boravka u Gornjoj Austriji od najkasnije prvog februara 2020 godine. Postojanje stanja nužde proisteklog kroz nezaposlenost ili skraćeno radno vrijeme (Kurzarbeit).

Nepostojanje uslova za dobijanje socijalne pomoći.

Kako se pomoć može zatražiti

Preko ureda Pokrajinske vlade Gornje Austrije (Amt de Oö Landesregierung), zahtjev se može postaviti elektronskim putem od 08.02.2021. do 31.03.2021 godine.

Za osobe koje nisu u mogućnosti da zahtjev postave elektronskim putem, zbog nedostaka kompjutera ili pristupa internetu, na raspolaganju stoje centrala i regionalne ispostave Radničke komore (Arbeiterkammer).

Za sva dalja pitanja Vam rado stoje na raspolaganju suradnici / ce migrare – centra za migrante i migrantice.

Zbog pandemije trenutno dostupni samo preko telefona i e-maila.

0676 846954601

e-mail: beratung@migrare.at